

金  
史  
詳  
校

金史詳校卷九

烏程施國祁學

卷一百十

楊雲翼傳

簽上京東京等路按察司事 案食志八年八月有言一  
貫以上用鈔事選志又言別路書吏薦申選補事傳並  
略

遷翰林侍講學士 遺山集內相碑作侍讀

鄜廷帥臣 廷元北並作延是

正大三年 三當作二

雲翼乃建言曰 案雲翼諫伐宋奏議在泰和初年元碑

可據史家乃改屬貞祐中未免牽合

弓箭之手在西邊者 之手當作手之

勾股機要 股北作段非

趙秉文傳

遷翰林修撰 此下當加考滿留再任 案遺山集閑閑

銘云又溢水集有甲子元日早朝詩當爲再任時作

十月出爲甯邊州刺史三年改平定州 至全活者甚衆

六十六字當改入下宣德果以敗聞文下 三年當作

二年 案溢水集黃河九昭序云大安元年予出守甯

邊湧雲樓記云大安二年夏四月來涖平定 遺山集游懸泉詩注

云閑閑守平定于大安庚午來游故元銘序入敗聞下與序記皆合若依傳文則大安元年十月竟作泰和二年十月大安二年竟作泰和三年矣有是理乎

坐取進士盧亞 亞當作元 案此科爲興定五年見李復亨傳與正大四年之盧亞不同

金自泰和大安以來並而秉文竟以是得罪 一百二十四字當削 案元銘無此文乃作者漫引歸潛志一條以助波瀾而不知年代之誤試問秉文以是得罪爲盧亞乎爲李獻能乎無謂之甚

五年復爲禮部尙書 五年當作未幾

日以時事爲憂雖食息頓不能忘 日元作日非 頓元

作頓是

號滏水集者三十卷 三當作二

韓玉傳

其先相人曾祖錫仕金以濟南尹致仕 仕金二字當削

案九十七卷有韓錫亦以知濟南府告老惟爲漁陽

人與此相人不合

又作元勳傳 案世善堂書目云十卷疑僞

有臣子之當然 然中州集作爲

馮璧傳

四年 此上當加泰和 案見遺山集內翰銘

淡剛 淡當作談

五年自東阿丞 五當作七 案此泰和七年

總領撒合問 問當作門

四年以宋人拒使者於淮上 四年當作興定三年

故兵所至 兵上當加大

李獻甫傳

至以歲幣爲言 幣北作弊非

雷淵傳

閭巷間 閭北作問非

例廻谷之役 例元作倒是

擊豪右 擊北作繫非

程震傳

召百官 召當作詔

卷一百十一

目 古里甲石倫 此下當加注粘葛全周蘇椿

內族思烈 此下當加注王仲澤

紇石烈牙吾塔 此下當加注康錫

古里甲石倫傳

詔禮罷職 案烏古倫禮傳無文

當大軍初入 大北作太非

就其糧五千石 千北作十非

權元帥右都監抹撚胡刺 宣紀興定二年十二月作右

監軍胡魯刺

本欲視朝廷以已有兵糧 視與示同

而執政以爲賞功罰罪 罰罪北作罪罪非

清擣敵壘 清元作潛是

又召甯邊軍節度姚里鴉鶻 案地志甯邊州貞祐三年

隸嵐州四年陞防禦或興定間陞節度耶 又案此鴉

鶻卽伯德窠哥傳之鴉胡初除甯邊節度判官後奏權



同知武州節度者第兩州皆刺史而並稱節度殆以兵  
事授官倉卒陞置故志不備列也

六月遷金安軍節度使 六月二字當削 案文上已書  
六月

圍青龍堡 案胡天作傳同地卽霍州見王佐傳

珪因持在州軍馬糧草數日 日當作目

正大二年九月自大名奔汴 九當作五

紀

完顏訛可傳

時有兩訛可 案紀傳中所載訛可不一攷紀興定三年  
十一月同簽樞密院事行院河北正大六年十二月詔

權簽院事救慶陽八年十二月河中府破權簽院事死  
之此本傳之草火訛可也正大三年十一月召陝州總  
帥議兵事四年八月遣守盱眙七年正月屯邠州八年  
十二月河中破杖死此本傳之板子訛可也又興定二  
年正月近侍局副使報南師捷二月敗宋防山拔龍門  
關等處三月敗光化軍入桐柏境四月遣赴遼東訪万  
奴事十一月權右都監行帥息州元光元年二月左監  
軍行師府伐宋時全副之五月軍敗削官十一月同州  
破同知節度自盡卽素蘭傳稱內族者當別一人又元  
光元年四月以勸農使簽樞密院事又別一人又張行

信傳貞祐二年權右都監護糧通州兵潰又別一人又  
白華傳天興二年爲首領官發詔量決又別一人又守  
純傳長子封曹王出質又別一人

正大八年九月至故自將攻河中 四百四十二字當改

作貞祐初宣宗議遷都朝臣謂可都河中主議者在  
河朔又無宮室議寢二年詔元帥都監內族阿祿帶行  
帥府事未幾絳州破河中城孤不可守阿祿帶遂棄之  
宣宗累命完復隨守隨破至是以兩訛可將兵三萬守  
之大兵旣破鳳翔睿宗期以明年正月合南北軍攻汴  
梁故自將攻河中時正大八年九月也 案史文自正

大八年九月至議遂寢一段一百二十一字空論河中  
形勢宣宗既遷河南至將兵三萬守之一段一百六十  
二字序阿祿帶棄河中事大兵謀取宋武休關至故自  
將攻河中一段一百五十九字序拖雷攻河中事然雜  
序無法未免顧彼失此冗濫不可讀故改訂如右

十二月河中破初 七字當削

尋有赦詔將佐以下 赦詔當作詔赦

決杖二百 此下當加死

劉祈曰 至 終至亾國 祈當作祁 一百十四字當削

案史家全錄歸潛志文不敢竄一字苟圖文字暢達可

以塞責誰知茫茫一片皆不切之陳言且一傳中用四  
初字尤屬無此文法

撒合輦傳

宣宗朝 案輦爲近侍局要人高琪傳有奏圖胡沙虎事  
宣紀貞祐三年八月有諭簽軍事傳略

輦猶升二品云 猶當作獨

大元旣滅西夏 滅當作困

召尙書溫迪罕壽孫 召下當加右丞相賽不陳規傳

朝廷得清水之報 案地志縣名見秦州未知所報何事

閉之壅城中 壅當作甕

少之 少當作頃

強伸傳 案伸當入忠義傳史家因中京而類及之非

以壯士五千人 千當作十

人不過一陷 陷當作陷

伸拗頭南向 拗元作物非

烏林荅胡土傳

國初以三千騎由此路趨汴 北盟會編趙陽與姚太守

書云粘罕自孟津涉河尋得一石底皆乘馬浮河而過

大兵圍蔡 大元作太非

內族思烈傳

轉樞密院經歷官 案白華傳王仲澤有召諭事傳略  
紇石烈牙吾塔傳

真祐間 真元北並作貞是

三年正月敗宋人於濠州之香山村二月又敗於滁州斬  
首千級拔小江寨殺統制正大逢等斬三萬俘萬餘人  
又拔輔嘉平山寨斬首數千俘五百餘人獲馬牛數百  
糧萬斛三月提控奧敦吾里不大敗宋人于上津縣兵  
還至濠州宋人以軍八千拒戰牙吾塔迎擊敗之獲馬  
百餘匹 又敗下當加之 正大逢正元作王是逢當  
作蓬 斬三萬斬下當加首 案紇石烈胡失門傳二

三 改作

年代宋牙吾塔至楚州不受行省安貞節制輒進

兵安貞劾奏詔原之馮璧傳四

三 改作

年南伐詔牙吾塔

攻盱眙不從命乃由滁州略宣化縱兵大掠行省奏故  
違節制壁鞫之壁入軍奪其金符攝之入獄擬斬以聞  
此事宣紀及安貞傳不載唯見于二傳而本文抹去則  
馬牛糧草皆違制掠奪之物而奏成俘獲之功可乎又  
宣紀是年四月牙吾塔開府宿州傳亦略去史官止圖  
順文直寫全不照料何以謂之信史

有胡論出者 胡北作故非

至聊林 聊當作柳



汴流由是復通 案紀是年七月請帥幕職有過得自決  
不允九月請由壽州渡淮擣宋不從十一月報臨淮破  
宋之捷傳並略

於是宋鈴轄高顯 鈴當作鈴

及梟提控金山八打首 梟北作梟非

正大三年 案牙吾塔自宿移鎮靈寶當在正大元二年

紀傳並脫

五年圍慶陽 五當作六

紀

六年十月 六年二字當削

卷一百十二

完顏合達傳

充護尉 尉當作衛

共壁平州 地志臨潢府云貞祐二年僑置于平州平州  
云貞祐三年置經略司

夏人犯通秦 此下當加塞

斬首數十級 級北作及非

陷其西北隅 北當作南 紀

凌及榮解之境 榮當作榮

竊見河中榮解 榮當作榮

正大二年 大下當加元年三月權參知政事行省于延

安兼統河東兩路 案此文紀譌傳脫今據白撒傳補

四年 四當作六

以平章政事妨職樞密副使 妨職當作改權

欲合而一之 欲當作詔 案紀在正大五年

自陝以西 指陝州

屯豐陽州 州元作川是

又宣徽使奧敦阿虎<sub>至</sub> 宣宗甚憂之 六十一字當改入

上以爲聲援文下 又宣徽使當作先是宣徽使

金軍懼其乘虛襲京城 金當作我

襄陝 陝當作邾 案此卽許之襄城汝之邾城也

金軍由鄧而東 金當作我

移刺蒲阿傳

初哀宗爲皇太子 初字當削

皇太子異母兄 皇太子異母五字當削

屯於良嶽 良嶽當作東華門傳

正大四年 大下當加元年九月復澤潞二年十月敗宋

人于光州三年八月復曲沃及晉安 四年下當加二

月復平陽府 案蒲阿雖有罪而其戰功不容抹去據

紀補

至游騎十餘 至北作遇是

以微言取怒 以上當加亦

蒲阿再復潞州 蒲阿當削

蒲阿東還 蒲阿當削

詔蒲阿 蒲阿當削

戰北兵於太昌原 太當作大

更勿似太昌原 太當作大

皆謂蒲阿此言爲然 蒲阿當削

散如鴈翅 翅元作翅是

金兵不得不戰 金當作我

金兵幾不成列 金當作我

金以萬人 金當作我

金軍適值之 金當作我

金軍奪橋 金當作我

金軍縱擊 金當作我

金軍欲盤營 金當作我

金軍不能得食 金當作我

合達又議陳和尚先擁山上大勢 山上大勢當作上山

觀大勢

金軍已接 金當作北

金軍遂進 金當作我

北兵果却三峯之東北西南 却當作據

止有三峯之東 東下當加可行 案傳文敘法頗似演義小說自合達又議以下數行細讀不解必有脫誤稍以意訂正之尙未滿志也

槍槩結凍如掾 掾元作椽是

乘金困憊 金當作我

金軍遂潰 金當作我

金軍無一人得逃者 金當作我

沃衍澤英皆死 沃衍二字當削 案沃衍與陳和尙皆

走死于鈞州不與澤英同死

卷一百十三

目 完顏賽不 此下當加注楊居仁

完顏賽不傳

爲甯化州刺史 化當作邊

宋將皇甫斌遣率步騎數萬 遣下已加曹統制

深州刺史 史北作使非

不尊安撫使達吉不節制 尊當作遵

俄爲元帥右都監 監北作總非

上以宋歲幣不至 幣北作帑非

詔勿問 案紀有猶子訛論唐州兵敗亦不之罪傳略



轉尙書右丞相 此下當加封莘國公

楊居仁 案哀紀天興元年有奉使不職具獄釋之事又合喜傳有犒師事

尙書左丞顏蓋世魯 紀作太常卿卽合喜傳命作江水曲者又見石抹世勣傳張特立傳

五年行尙書省于京兆 五當作六

天興九年 九當作元

二年七月 七當作六

十月甲申詰旦 紀作癸未蓋癸未夜襲明且城破也

恐與對面語乎 恐當作忍

贊 洎秉鈞衡 衡北作衝非

內族白撒傳

三年破虎頭關 年下當加三月

雞冠關 冠北作寇非

邊事益急 益急當作稍緩 案白撒駐平涼所禦者夏  
兵耳正大初和議方始矣若京兆鳳翔他邊之急不過  
空言塞責其材力亦不及此史臣未免失攷

性復貪鄙 復當作復

諸軍敗績於三峯山大兵與白坡兵合 十五字當削改  
作聞大兵 案三峯敗在十六日丁酉下文棄衛州爲

十一日壬辰修京城爲十三日甲午不合先聞敗狀

棄衛州 棄上當加節度斜捻阿不 州下當加來奔

案此人乃白撒黨卽後日斬人鎮地者其棄州來奔必已密授意指若但云棄衛州與本傳何涉

初大兵破衛州 至隨爲大兵所據 六十二字當削 案

此文爲棄衛州注腳亦似爲攻衛州張本然改築新城以石包之等語意終屬夾雜

裏城或不測可用 或字測字皆當削

尙不能徧 徧北作徧非

截長補短假借而用 八字當削 案文下語不倫夫壤

地有長短軍官可以截補乎且簽軍亦不必言假借

行統帥府事 統元作總是

隸總帥百家 五字當削 案總結見下文

兼合刺合總領 合刺合卽合里合

官奴遂奏 遂當作還

以糧糗三百餘船 女魯歡傳作一千五百石

留親衛軍三千 三當作二

能裨闔 裨北作押非

赤蓋合喜傳

及楊幹烈等 幹當作幹

烏古論世鮮 紀作世顯

且構宋統制程信等 宋甯紀嘉定十三年九月戊戌利  
州副都統程信出長道乙巳信引兵與夏人會鞏州丁  
未攻城不克壬子信及夏人攻鞏州不克十月丁巳朔  
信邀攻秦州夏人不從信引還諸將皆罷兵

飾兵嚴備 飾當作飭

僅能禦之 此下當加圍解升左監軍授大名路猛安

紀

立十三都尉 三當作五

志

攻具已辦 辦北作辨非

壬辰 巳作壬寅

置炮百餘枝 枝當作枚

其攻城之具 攻當作守

壬午 當作壬戌

合喜怒欲笞其掾 怒北作恕非 掾北作椽非

上貸其死 貸北作貸非

常鞅鞅不樂 此下當加崔立變後

卷一百十四

白華傳

二年九月 九已作四

十月 當作十一月

義深東平郡王成進膠西郡王 案哀紀天興元年九月  
作臨淄郡王王義深廣平郡王范成進當係紀譌成進  
事無可攷而寰宇訪碑錄有膠西郡王范成進殘碑正  
書至元十三年在山東濰縣不知碑敘何事

五年秋增築歸德至李辛賜姓也 五十字當改入下時

陝西兵文上

六年以華權樞密院判官 十字當改入下國制文上

留脫或欒駐慶陽 或當作國 案卽牙吾塔傳之幹骨

欒

其矣每嫌辭費 其奏二字當削

五月以丞相賚不五當作二紀

上謂白華曰白華當削作之

華如期而還華當削

華曰向日用兵華當改作對

華真投樞密判官華當削

金軍自闐鄉金當作我

因遣白華白字當削

華等既到華等二字當削

華至京華當改作及

必到八里莊城門爲期宋史地志楚州淮陰縣嘉定七



年徙治八里莊

華幾不得還 華當削

送款于金 金當作我

既而宋人至亦以盱眙降宋 案文一百五十四字尤與

華傳無涉可削但惜徒單塔剌朶山亭死事無他見故

存之 宋理紀紹定四年十月戊子金人以盱眙軍來

降改爲招信軍

不若經往河中 經元作徑是

華曰臣愚見如此 華當改作對

聞華言 華當削

金軍北渡 金當作我

金制 金當作舊

卽白華所居 白字當削

華附奏人耕稼已廢 華當改作因 人當作今

於是起華爲右司郎中 華當削

召華諭之曰 華當削

召賽不合周訛出烏古孫卜吉完顏正大議 大元作夫

是

其後十五日 五當作四

紀

華遂問其由 華當削

曾與金軍接戰 金當作我

上在歸德 案此下華有送符息州事見婁室傳傳略

又案此傳是元好問壬辰雜編中爲華一篇辨冤文字  
篇中五金字是國亡後筆

斜卯愛實傳

金兵遂合 金已作大

不逢一人騎 人字當削

衛紹宅四十年鎬厲宅二十年 四當作二 二當作四

且三斗六升之餘 斗元作升升元作斗是

已而復用 案紀云息州刺史

四年以御史大夫權尙書右丞 案紀貞祐四年二月以  
宣撫副使簽樞密院權右丞九月以簽樞密院爲御史  
大夫領兵赴陝西不合

留沔池數日 沔當作澗

諸皇族百餘人上章救之 見從坦傳

至是爲參知政事 紀興定三年三月錄用罪廢官七十  
人卽此

石抹世勣傳

收充擎執 元毅傳作侍儀司承應

登詞賦經義南科進士 南元作兩是

卷一百十五

完顏奴申傳

奉使大元 案正大五年爲蒙古戊子太祖已殂拖雷監國太宗未稱元

十二月還 此上當加六年

金庫匱乏 庫當作廩

冬十月 當作十一月

完顏習捏阿不 卽正月棄衛州之斜捻阿不

管宮掖事 宮北作官非

完顏阿撒 卽崔立傳之阿散

温敦阿里 卽崔立傳之温屯阿里

裴滿阿虎帶 卽崔立傳之阿忽帶

近侍 此下當加局使

中京副留守愛實等 實元作失

十二月 三字當削

辛丑 紀作庚子

多行乞於市 市北作是非

正月戊辰 戊辰已作丙寅

邢字京叔渾源人 七字當削

崔立傳 案此當入叛臣傳攷異云

性淫狡 性上當加立 狡當作狡 案狡與淫義複

李术魯長哥出省 紀作長河 出當作入

衛紹王太子承恪 承當作從 紀

韓鐸都元帥 都當作副 紀

張軍奴 此下當加完顏合荅 紀

納一都尉夫人 案攷異引歸潛志爲監軍王守玉妻

以天子袞冕后服上進 上進當作送軍前

三月壬辰 三當作四

四月 二字當削

李琦者 案女魯歡傳有守歸德事

傳近境有宋軍 齊東野語端平入洛云元年命全子才  
舉兵赴汴七月二日抵東京二十里劄寨初五日整兵  
入城行省李伯淵先期以文書來降願與國用安范用  
吉納約至是乃殺所立大王崔立率父老出迎見兵六  
七百人

前御史中丞蒲察世達 中丞紀作大夫

同簽樞察院事 察元作密是

聶天驥傳

遣宿州總帥 州下北有衛字非

赤盞畏忻傳 赤盞哀紀作石盞



權許州統軍使 統北作統非

五年致仕 案紀不書當在七月

卷一百十六

目 蒲察官奴 此下當加注冀禹錫

徒單兀典傳 此傳敘陝州

不知其所始 案攷異引抹撚盡忠傳徒單吾典事是也

駐鄧州 三字當削

駐洛陽 三字當削

邊民爲之搔動 搔當作騷

高平都尉苗秀 高當作安 案苗秀下文作苗英

運靈寶硤石食粟 食元作倉是

兀典發閩鄉 此下當加至陝

盧爲金軍所據 金當作我

金兵知必死 金當作我

素蘭竄歸 此下當加陝州

獻能字欽叔貞祐三年進士 十一字當削

明年五月麥熟 六字當改入下省劄令偉文下

石蓋女魯歡傳 此傳敘歸德

金兵常不得利 金當作我

及上來歸德 此下當加二月以爲樞密副使松參知政

事紀

二月戊辰朔 二已作三 朔字已削

且出所有金貝 貝北作具非

及蒲察敵住等 住北作往非

蒲察官奴傳

以其新自河朔來 新北作親非

幾獲鎮州大將 指史天澤

劫直長把奴申於上前 下文又有經歷把奴申乃別一

人

字京甫 甫北作用非

分軍五七十出柵外 五北作伍非 案五七十乃約略  
之詞若作伍則複衍矣

投城下以走 城當作階

內族慶山奴傳

名承立 案傳中忽稱慶山奴或稱承立殊不合史法

三年四月 案宣紀興定二年七月有奏選寄居守闕丁  
憂官總兵事三年二月有獲夏人文移事傳並略

復擊走之 案紀四年四月以爲右監軍權參知政事同

行尙書省元帥府于京兆六月上封事又楊雲翼傳十

一月奏大兵前拒平涼數州皆破承立擁兵不進以罪

免官傳並略

十月慶山奴棄京兆還朝

十當作九

紀

行次楊驛店 楊紀作陽

遇小乃觥 元史作肖乃台武仙傳作笑乃觥

卷一百十七

目 國用安 此下當加注張介

徒單益都傳 此傳敘徐州

與河間張祚 祚北作作非

高臚哥 案紀又有李宣

豈有改易髻髮 髻當作髻

徐州既歸海州 海州指楊妙真

惟安國不改髻髮 安國北作益都非 髻元作髻是

粘哥荆山傳 此傳敘亳州

大兵石總管 卽元史石天應

惟城父令李用宜不降 陵川集金源十節士歌李豐亭

云士爲有用學有志終有爲先生乃不幸一第當時危

腐儒苟且皆畏避奔走要門求內地越趨冀得升斗祿

覩面只爲妻子計先生守臣聽銓選不避畏途羞自便

一通誥命令城父卽駕柴車自畿甸甫能到縣敵已至

意色不動卽視事排墻拔樹爲守禦胡馬嘶動人鼎沸

國兵僅得二千人開門轉戰箭滿身見星塵出據大林  
人蔽一樹氣乃振弓折矢盡更無技重圍百市何所依  
飲血復鼓更格鬪揮戈慷慨指落暉力竭衆斃付一死  
以身報國真烈士君不見汴梁諸生不出門手把付身  
皆餓死 齊東野語端平入洛云六月二十二日至城  
父縣縣中有未燒者十餘家官舍兩三處城池頗高深  
舊號小東京云

送之出城 送北作逸非

既而崔七斤爲亂 卽下傳之崔復哥

是年六月 是當作明

宋人來攻春出降 齊東野語端平入洛云六月二十四日入亳州總領七人出降城雖土築尙堅 元史地志 亳州金亡宋復之

王賓傳 亦敘亳州

初調蘭陵主簿 主北作王非

坐事罷 卽張特立事見歸潛志

天興元年正月 正當作五

賓與前譙縣尉王進 此上當加二年四月

進嘗應荆山之募 此上當加初

至汴 汴當作亳



大赤圍毫 大元作太非 赤北作兵是

五月甲子 五月二字當削 案此傳前半敘王賓後半敘王進並係天興二年四月後事與他傳先後者不同乃史官不用夾敘法似本兩傳併爲一傳加以年月脫譌致令眉目不清

國用安傳

誓歸金朝 金當作本

於是復金朝衣冠 金當作本

既而選人 選當作遣

於是因世英以用安終不赴援 至贈汝州防禦使 三十

四字當削 案文已見紀且此等死事何足算徒見冗  
雜

卽改從宋衣 衣下當加冠

時青傳 攷異云不足立傳

正月二十五日 二十五當作十三紀

二月二十六日 六當作一紀

卷一百十八

目 武仙 此下當加注魏璠移刺瑗附

苗道潤傳

與賈全 全元作全 案他傳全全錯出未知孰是

移次衆家奴 次當作刺

興定三年 三當作二

詔百官 此上當加三年正月

王福傳

四月紅襖賊 四當作五

移刺衆家奴傳

封河間公 間北作澗非

河間 間北作澗非

別遣總領提領 提領當作提控

詔從之 案下文不言不知所終其爲遷官病卒降元奔

宋皆不可攷必係脫譌至守信安事略見元史爲北平  
公張進別見張甫傳後

武仙傳

仙率鄉兵 仙字當削

詔仙 仙當削

遷洛州防禦使 洛北作洛非

遙授河平軍節度使 此下當加復請給金銀符賞有功

從之

紀

大元大將笑乃觴討仙 仙當改作之

仙乃奔汴京 仙當削

仙遊歸 仙當削

遂走南陽留山 案北盟會編建炎二年二月十九日冀  
德韓清乘金人入寇嘯聚出沒于汝洛之間屯于留山  
寺及艾蒿平翟興以輕兵間進抵留山寺一擊而潰卽  
此地

仙卽按軍眉山店 仙當削

仙至留山 四字當削作既至

烏古論忽魯召仙 魯下當加刺 仙當改作之

詐以書約仙取裕州 仙當削

哀宗走歸德 當作哀宗將親出

以待仙 仙當削

完顏四和有謀敢斷嘗徵兵鄧州 卽紀天興二年正月

白華事

禦牧使 當作防禦使

仰給于鄧州總帥 鄧州二字當削

張伯直 見中州集

以女女仙 仙當改作之

仙率帳下百餘人 仙當削

至是斲琢妄謂將納款于嵩之之語泄矣 妄謂將三字

當削 于嵩之三字當削

言彬九  
徙浙川之石穴 嘉靖河南志石穴在浙川縣石門山金  
將武仙所置砦甚險其址尙存

遣近侍兀顏賣仙赴難 卽紀七月魏璠事

仙復謂衆曰 仙當削

軍士亡者八九 八上當加十

皆散去 秋澗集中令楊維中碑金亡恆山公武仙潰于  
鄧州餘黨散入太原眞定間據大明川用金國開興年  
號衆至數萬出沒劫掠數十里詔令諸道兵討之不克  
公仗節開諭降其渠帥其黨悉平

爲寇之戍兵所殺 李俊民莊靖集和子榮悼恆山公詩

云功名人比漢淮陰猛虎俄因犬輩擒星落旄頭兵似  
火雲屯細柳士如林豈期虞虢亡脣齒漫倚良平作腹  
心灑盡英雄憂國淚變風那得不傷今 案哀宗天興

狩後大勢已去所倚者仲德武仙兩援兵耳仲德孤軍  
自鞏數千里間關入救而仙坐擁選鋒偷安山寨連詔  
徵兵如思烈忽魯刺魏璠四和白華兀顏六七輩死不  
勤王又殺李汾盧芝石玠三義士真一賊耳莊靖比之  
淮陰形于和什已屬大謬而元大德間復有重刻李孝  
純哀恆山公武仙詩碑

寰宇訪碑錄正書大  
德四年在山西鳳臺殊不可解

張甫傳



邢瑀 邢北作刑非

無何李癩驢歸順大元 李癩驢歸順大元七字當削

案紀元光二年正月四方館使以罪罷授恆州刺史者  
卽此人或因張甫得兵召與內職迨改授後乃降元耳  
則不得以無何二字了之莫如削去爲妥

柴茂 紀興定四年十一月詔柴茂蓋仁貴行帥府于真  
定者卽此

大成 成當作城

始賜姓完顏 宋史李全傳劉慶福在山陽與李福互相  
猜貳福僞病慶福不往張甫者素厚慶福約同往問疾

及寢遙見福臥不解衣心恐而身已至牀前牀頭見鞘  
刀慶福口問疾而手按鞘福拔刀起傷慶福甫救之被  
害甫者金元帥高陽公金亡河北甫據雄霸清莫河間  
信安信安出白溝距燕二百里而阻巨灤大元兵不能  
涉後歸李全者 案甫傳賜姓後不詳所終故錄宋事  
以補之

張進亦遷元帥左監軍賜姓完顏 元史楊傑只哥傳已

丑

正大六年

阿朮魯攻信安信安城四面阻水其帥張進數

月不降傑只哥曰彼恃巨浸我師進不得利退不能歸  
不若往說之進見其來怒曰我斬二使汝不畏死耶傑

只哥從容言曰今齊魯燕趙地方數千里郡邑聞風納降獨君恃此一城內無軍儲外無兵援亡可立待爲君計者不如請降可保富貴而免死亡進默然曰姑待之凡三往乃降張榮實傳朔州人父進金季封北平公守信安城壬辰歲天興元年率所部降何伯祥傳太宗定河朔惟保定王子昌信安張進堅守不下伯祥生擒子昌進聞之亦遁又張禧傳東安州人父仁義金末徙家益都太宗下山東仁義乃走信安時燕薊已下獨信安猶爲金守其主將用之左右國兵圍信安仁義率敢死士三百開門出戰圍解以功署軍馬總管守信安踰十年度

不能支乃與主將舉城內附 案進爲元臣張榮實之  
父困守信安踰十年皆在完顏不終張甫入宋後事進  
雖不與九公之列而北平之號必爲正大繼封史贊復  
引他書載滄海易水二爵或傳聞異詞耶故備錄元傳  
以補之

靖安民傳

孫資孫 當作孫資深

頃之封易水公 至東安寨隸焉 四十一字當改入上三

月安民上書文上 案苗道潤傳封九公在四年二月

又此三月文下已有冒濫封拜等語

郭文振傳

招降大原東山二百餘村 紀興定三年六月遼州總兵  
領提控唐括狗兒復太原卽此

十月權元帥右都監 都監當作監軍 案上文已云左  
都監不合此反權右必爲監軍之譌

元光元年 案紀三月表言南北合兵攻河陝傳略  
胡天作傳

隰州之件城鎮 州元作川是

詔誅忽失來子之南京者 南上當加在

張開傳

送授同知青州防禦事 青元作清是

開復青州 青元作清是

推杜仙爲招撫使 遺山集有送還西山詩卽此

內無儲術 中州集秦略穀靡靡詩上黨公府作

燕甯傳

紅襖賊五公喜 五當作王

贊 河間公移刺中哥 案他書所載張進已見上文郭

棟或爲文振之族惟移刺中哥遺山集張公第二碑作

衆哥疑中爲衆聲之轉哥爲家奴之切或卽一人然不

敢臆斷矣

卷一百十九

粘葛奴申傳 此敘陳州事

提控劉某知害 知元作加是

完顏婁室傳 此敘息州事

時以其名同 案紀興定三年正月鄧帥提控有罪削爵  
者未知於大中小三人何屬

以烏古論忽魯 紀作蒲鮮

朝廷以參知政事抹撚兀典 此上當加八月丙戌紀

八月壬辰行省遣人奏中渡店之捷初 十五字當削

案史臣紀事多不用直敘法每先一語提綱下文必用

初先是等字以原之復用至是等字以補之自謂可稍見眉自然筆端拙鈍可厭極矣列傳中此類不少舉之以示一隅

斬獲甚衆 此下當加遣使奏捷 案文如此豈不簡快且區區小捷何足繫日

桓端 案紀天興二年九月作阿虎帶

烏古論鎬傳

參政天綱亦然 六字當改入下又薦以自代文下 案此係胥手倒寫未經改正者

小婁室自息來迓 案上傳乃中婁室



蔡八兒副之 紀作元志

因出入長大主家 長大當作大長

張天綱傳

爲宋將孟拱得之 拱當作珙

後不知所終 陳霆兩山墨談孟珙滅金俘其參政張天

綱以歸云云續綱目載其事末云不知所終偶閱長編

傳是樓書目續通鑑長編一百八卷李燾撰英宗治平四年止宋史全文續資治長編三十六卷少帝德祐元

年止絳雲樓目同 是年四月甲午樞密院奏乞令殿前司借補

張天綱武翼大夫充計議官完顏阿海保義郎本司副

將並給袍笏韉帶從之然則宥罪之後固嘗受宋祿秩

矣抑老于是職與 案陳書吳明徹傳爲周師所執憂憤卒南史謂周封懷德公魏書穆紹傳元顥入洛以爲兗州刺史北史諱之此傳諱其仕宋亦此類也

完顏仲德傳

詔授仲德鞏昌行省 仲德當削

軍次黃陵 此下當加岡

初完顏胡土至敏修入徐 二百三十字當削 案嚴祿

反正事略見上文此必壬辰雜編中原文史官無筆節序以入而又苟欲湊成長篇不忍汰去疊牀架屋成何

文法

詔仲德赴行在 仲德當削

詔仲德議遷蔡 仲德當削

八月定進馬遷賞格 八當作七紀

白之仲德 仲德當削

上諭仲德曰 仲德當削作之

九月 此下當加庚戌紀

十一月辛丑 此下當加朔

蔡既受圍 四字當削

鼓吹相接 接北作接非

家素貧 北無素字非

卷一百二十

世戚傳

序

世宗時

世當作章

傳

石家奴 蒲察部人 案紀傳所載多稱蒲察不稱石家  
奴如太祖紀甲午十一月敗遼軍于祥州東太宗紀天  
會四年十月克平定軍六年十月丁丑敗宋于臨真十  
一月庚寅取延安府七年四月取鄜坊二州幹魯傳與  
闞母伐高永昌希尹傳西京降使守之宗翰傳西京復  
叛先擊之又帥師平陝西婁室傳追遼帝以二千騎候  
敵又降壽陽取平定及樂平招降遼州及榆次遼山和

順諸縣又命專事陝西又克丹州破臨真克延安府降  
綏德軍及靜邊懷遠等城寨十六還守蒲州西夏傳軍  
威戎東皆是也惟宗雄傳詔合札千戶駙馬護喪突合  
速傳初隸萬戶麾下粘割韓奴傳遣討大石則稱石家  
奴若太宗紀天會九年正月辛亥之討張萬敵杲傳克  
中京後之往迎遼兵稱蒲察者當別一人

世祖外孫 世當作景

護齊國王謀良虎之喪 王當作公

封魯國公 此下當加大定間定亞次功臣圖像衍慶宮

裴滿達 婆盧木部人 木當作火

從滿家奴 滿元北並作蒲是

爲燕京留守 燕當作中

徒單恭 斜也以賊免 斜也當削

海陵后徒單氏 海陵二字當削

凡斜也所言 斜也當削作其

未嘗有如斜也專恣者 斜也當作此人

海陵杖之二十 海陵當削

言斜也強率取部人財物 斜也當改作其

保魯鞠不以實 保魯二字當削

斜也謀取其兄家財 斜也當改作因

當怨詈斜也 斜也當改作之

乃譖兀魯於海陵后徒單氏 十一月當削作乃譖于后  
會韓王亨 王北作玉非

亦以怨望指斥誣兀魯 九字當削作亦以指斥誣之  
海陵使蕭裕 海陵當作乃

得幸于徒單后 徒單二字當削

遂殺兀魯 兀魯當削作之

大定間皆追正之 七字當削

遂杖斜也 斜也當削作之

進拜太保 太北作大非

斜也從海陵獵于順州方獵聞斜也薨 十五字當削作

從獵于順州方獵聞計

先斜也卒 斜也當削

烏古論蒲魯虎 昭甯公主 諸嬖傳作壽甯

唐括德溫 上京率河人也 率河卽帥水

烏古論粘沒曷 宋史作忠弼

常侍左右 左右北作右右非

加駙馬都尉 此下當加爲右副點檢使宋表

上謂宗安 四字當削

駙馬都尉公說 案刑志二十二年有省寺斷案事傳略



蒲察阿虎迭 五年使宋爲賀正使 繫年要錄紹興

十五年金遣殿前右副都點檢說卽此紀表皆脫載

楚國公 此下當加子鼎壽

烏林荅暉 從宗弼北征 北當作南

詔以暉第三子天錫 案表大定十一年以刑部侍郎使  
宋賀生日昭德后傳爲太尉石土黑後傳並略

蒲察鼎壽 尙熙宗女鄭國公主 案胙王元傳有皇統

七年四月阿虎特子尙主進禮物賜宴便殿事卽此

以海陵女弟慶宜公主子 慶宜公主卽阿虎迭傳之孫

國長公主崔哥

改左宣徽 此下當加使宋還

紀

徒單思忠 父賽一 見安禮蒲睹傳

大定初世宗使思忠 大定初三字當削 案上已有大

定初

徒單繹 授隆安府路合扎謀克 隆安當作黃龍

奪古阿鄰猛安 案續通攷云太宗女嫁奪阿隣不知此  
乃猛安名大謬

以母鄂國公主憂 集禮大定七年六月十三日檢奏帝

女例封公主奉勅旨武靈皇帝妹鄂國公主依舊封海

陵姊妹明肅女並封郡公主

烏古論元忠 後封魯國大長公主 大北作太非

乃拜平章政事 案張景仁傳有奏決斷六品官事傳略

尋復詔爲右丞相 案紀已攷定爲二十二年六月

駕東幸 案世宗紀二十四年四月有預宴上壽事傳略

汝心叵測 案此卽宗道傳竊議密聞事此傳但云責諭

不敘源委未免鶻突

今預宴 晏元作宴是

誼 及父廢亡 及元北並作乃是

尙顯宗女廣平郡主 爽傳鄴國下嫁賜宴慶和殿卽此

徒單公弼 大定二十七年尙世宗女息國公主 克甯

傳二十六年十一月納幣賜宴慶和殿卽此

駙馬都尉 駙北作附非

封定國公 此上當加崇進

紀

罷知中山府事 當貞祐二年四月

太孫太師 案紀貞祐三年五月立皇孫鑑爲皇太孫

徒單銘 性重默寡言 性上當加銘

移河東北路按察使轉運使 察下使字當削

俄拜尙書右丞 宣紀脫載

徒單四喜 正大九年正月丁酉 正大九巳作天興二

丁巳作辛

內侍馬福惠 內上當加與 馬北作焉非

如栗黃者 栗北作粟非

壬寅 壬巳作丙

遲回間 間北作問非

癸卯 癸巳作丁

問汝是放忠孝軍出門者耶 放北作於非

卷一百二十一

忠義傳一

目 胡沙補 此下當加注撒八

特虎雅 雅字當削

僕忽得 此下已加注酬幹

溫迪罕蒲覲 此下已加注鶴壽等

訛里也 此下已加注閏孫史大等

魏全 此下當加注蒲烈古

鄧陽 此下已加注石古乃

和速嘉安禮 安北作加非

九住 此下已加注李果速

齊鷹揚 此下當加注楊敏中等

术甲法心 此下當加注溫迪罕咬查刺等

序 死其官守 其字當削

胡沙補 太祖疑之 太北作大非

會高禎降 高北作尙非

特虎 自臨潢班師 自上當加太祖

僕忽得 甯江州 此下當加破

招撫三坦石里很跋苦三水鼈古城邑 太祖紀作讒謀

水

粘割韓奴 壁于龍門東 壁北作壁非

時天輔六年也 六當作七

遼詳穩撻不也來降 遼屬國表保大四年

且不知大石所往也 此下當加九年和州回鶻執大石

黨撒入迪里突迭來獻

紀

曹珪 案此傳文已詳世宗紀大定四年史官復載于此  
徒取篇幅之長而已

溫迪罕蒲睹 西北路契丹 西上當加正隆末

徒單塞里 安禮傳作賽一

完顏木里骨 安禮傳作木魯古

老和尚 當作那也

皆被殺 案傳不載贈官係脫譌攷安禮傳世宗稱昭武  
大將軍木魯古金吾衛上將軍蒲都似已經加贈而鶴  
壽賽一則仍稱羣牧都尉不可解或當時贈官未能徧



及耶 又案諸傳不載贈官者如此與烏古孫兀屯宋  
辰高錫伯德宓哥奧屯醜和尙陀滿斜烈尼龐古蒲盧  
虎兀顏可畏兀顏訛出虎粘割貞徒單航楊沃衍烏古  
論黑漢禹顯張邦憲劉全等皆是乃史臣之草率也

納蘭綽赤 相與拒括里于改渡口 改上當加伊  
魏全 宋季爽 季已作李與紀合

以騎二千人 千北作十非

鄴陽 賞銀一定 定當作錠

詔削官爵 削當作加

符寶祇候 符北作付非

夾谷守中 歷嵩涿北京臨洮路按察副使 案嵩涿安  
得有按察副使或副使分駐二州耶疑嵩涿下當有脫  
文

移彰德軍 德當作化 案此指涇州下云移軍未行仍  
守鞏州則表及西夏盧庸等傳作涇州非也紀并脫載  
按行秦中 秦北作秦非

石抹元毅 使省檄 使當作被元作裨亦非

復何面目朝廷乎 目下當加見

伯德梅和尚 滏水集有挽詩

烏古孫兀屯 撒虎帶 撒北作散非

五月 此下當加賜兀屯總押鄧州軍馬

紀

軍士多亡 士下北重一士字非

王維翰 檢括戶籍 括北作括非

兼潞王傅 傅北作傳非

妻姚氏 案鉅野縣志有謝天香事乃傳會之說

移刺古與涅 安化軍節度使 安上當加累官 案執

中傳泰和六年十月兵出清口遣副統移刺古與涅克

淮陰傳略

宋辰 歷蘇曹景州刺史 蘇當作薊

李演 詔有司爲立碑云 遣山集有詩 寰宇訪碑錄

濟州刺史李演碑崔蔭撰趙秉文正書貞祐四年八月  
在山東濟甯

王毅 大興人 大上當加字之綱 滏水集有銘 函

山旅話李俊民同年錄中有王毅知綱中都大興人

贈曹州刺史 案滏水集與雞澤尉楊過叔黨合銘傳宜  
附載此亦史臣之疎也

王晦 遷霍王傅 傅北作傳非

樞密副使 此下當加諡剛忠

爲筆硯承奉 案秋澗集跋同載傅霖守臨潢事史亦失

于附載

齊鷹揚 敏中乞驢 敏上當加與

高錫 遷遼東路轉運度支判官 度支當作支度

卷一百二十二

忠義傳二

目 從坦 此下已加注郭用

女奚烈幹出 此下已加注王謹

梁持勝 此下已加注竇不等

移刺阿里合 此下已加注孔祖湯

烏古論德升 權參知政事 案紀貞祐三年四月有奏

夏至免朝事傳略

灌元帥左監軍 案紀貞祐四年正月有招太原降民事  
又胥鼎傳西征失計狀事傳略

乃自縊而死 續夷堅志烏古論德升第進士興定戊寅  
以參知政事行臺太原九月六日城陷遇害以其日受  
生慶陽移刺倉使家兒四五歲能說前身事沈厚寡言  
人傳爲異事德升家一大奴從太原逃出就倉使家來  
問兒望見名呼之奴爲之慟但說其死不同奴言德升  
被斫而死兒言赴井死游麟之言當是聞城陷一心赴  
井神識已逝不復知被斫耳一僧云不然赴井者蓋投  
胎耳 案史云自縊則非赴井亦非被斫也似當以史

文爲據

馬驤 時致祭 時當加歲

伯德窳哥 河東北路行元帥府 此指古里甲石倫

甯遠軍節度副使 石倫傳作甯邊第武州有甯遠縣或

卽以縣爲軍

興定元年 元年當作改元

從坦 宗室子 案下卷馬肩龍傳上書所救宗室從坦

當卽此

孟州經略使 此下當加萬戶宋子玉叛率兵敗之

留沔池數日 沔當作澗

納合蒲刺都 力戰而死 案紀興定二年十一月又有  
參議官王良臣傳亦宜附載

時茂先 沙溝酒籃 籃元作監是

紅襖賊方郭山 方郭當作郭方

方郭山聞而執之 方郭當作郭方

溫迪罕老兒 以其姪墨廝 墨元作黑是

梁持勝 興定初 當作貞祐中

賈邦獻 獻當作憲 案目及傳中俱作憲

竟能成功 竟當作僅

移刺阿里合 泰定軍節度使 泰北作恭非



紇石烈鶴壽 興定五年十月 十日作閏 案紀在閏

十二月

女奚烈資祿 攻破武林關 林元作休是

趙益 保聚山陝 陝當作碓

不可計 計上當加勝

侯小叔 小叔盡護農民入城 此上當加十月軍變

案紀有孫仲威據城叛事傳略

詔權元帥左都監 左當作右

完顏賽不 賽北作塞非

王佐 元光二年七月 七當作四

紀

黃攔九住 案此後七傳顛倒無次據紀年先後此傳當改次上卷宋辰傳前下烏林荅乞住陀滿斜烈尼龐古蒲盧虎三傳當次上卷高錫傳後又兀顏畏可傳當次本卷完顏六斤傳前又兀顏訛出虎傳當次從坦傳前又粘割貞傳當次納合蒲刺都傳後乃史官作傳成非一時不復編次隨手錄入故草率如此

累官河東北路按察使轉運使 察下使字當削

烏林荅乞住 重幣十端 幣北作幣非

赴援中都戰歿 合達傳貞祐三年臨潢全慶軍變是也傳文既不標年月又不敘源委但云戰歿殊未明析亦

史家之草率也

陀滿斜烈 斜烈死焉 案中州集李治中著有彰德死節事亦宜附書此傳

尼龐古蒲魯虎 是歲大元兵取潼關 是歲當作十月兀顏畏可 歷全安武勝軍 全當作金

是歲 二字當削

粘割貞 梅只乞奴 回离保傳奚五姓有梅知氏遼營衛志作梅只

卷一百二十三

忠義傳三

目 完顏陳和尚 此下已加注斜烈

楊沃衍 此下已加注劉興哥

姬汝作 此下已加注楊鵬

禹顯 此後當加張邦憲 又當加劉全

完顏陳和尚 系出蕭王諸孫 案秉德封蕭王列女特

罕氏尹氏傳同

鷲很凌突 很北作狼非

爲刺掠之事 刺元北皆作剽是

斜烈名鼎 不必提行

搜伏於大竹林中得歐陽脩子孫 案此條爲壬辰雜編

原文見圭齋集

楊沃衍 本屬唐和迪刺部族 和當作括

留下徙 下元作不是

不死王事 王北作主非

三年 三當作四

西夏萬餘騎 萬北作四是

拔劍斫之 拔北作拔非

關輔十里 十元作干是

烏古論黑漢 天興二十年 元作二年無十字是

內族糾魯 糾元作斜是

唐之糧多爲鄧州所取 唐上元有又字是

鎮防軍 防北作方非

殺蒲察都尉 卽紀云部曲所食者

時裕州大成山 時當作惟

會鄧帥移瑗 移下當加刺

宗王安撫 宗元作宋是

醜定走蔡州 定元作兒是

阡滿胡士門 蘭州極陳僧等 極當作程

金軍乘之 金當作我

夏人遁去 此下當加詔進官三階

四年知河中府事 案胥鼎傳是年有領軍赴援事又興定元年西征語傳略

姬汝作 是時此州 是時二字當改入下使傳所出文上

汝輩經百死 汝此二字雙行夾寫元北並單行作此是愛申 逸其族與名 族與二字當削 案官志吏部白號姓有愛申白撒傳有定西州刺史愛申奴失刺安得云非族乎

城中惟有義兵鄉軍 鄉字筆畫舛譌元北並作鄉是力盡乃已 已元作破是北作死亦非

初問汝與從坦 初元作詔是

搜箴中 箴元作篋是

禹顯 願將軍二百人 願元作顯是

嘗集河朔步騎數千 千元作萬是

既而戰於王女寨 王元作玉是

權元帥府都監 府元作右是

顯適與真金一兵相失 匿飯山寺中 真金元作負釜是

匿元作乞是

時年四十一 案姚燧牧庵集有楊閏死節事此傳亦應

附載



秦州人張邦憲字正叔 當作張邦憲字正叔秦州人  
此別一傳當自提行

爲永固令 卽徐州彭城之厥堙鎮元光二年升

劉全者 此亦別一傳當自提行 者字當削

卷一百二十四

忠義傳四

目 馬慶祥 此下已加注胥謙等

烏古孫奴申 此下已加注阿虎帶等

蔡八兒 此下已加注毛佺等

溫敦昌孫 此下已加注胡失打

馬慶祥 餘無所考 餘下元有亦字是

木甲脫魯灰 遙授武昌軍節度使 武昌當作昌武

大元兵攻藍關 藍當作潼

楊達夫 與衆行及韶避兵于州北之橫嶺 案韶字有

譌或有脫文

烏古孫仲端 安延珍 延當作廷

至西城 城元作域是 案仲端有西使記卽是時所作

見歸潛志

烏古孫奴申 吾古孫端 端上當加仲 案卽上烏古

孫仲端

蒲察琦 令改易中髻 髻當作髻

蔡八兒 毛佺者 案佺附于蔡八兒傳尾非別自立傳  
不必提行

時開州刺史賽哥叛 賽元北並作賽是

二人皆捐家走城 城下當加中

餘各有傳 四字當削

溫敦昌孫 蔡城破 案文與昌孫戰死事不貫當有脫  
誤更思之蓋史臣以胡失打救水事無所附遂強綴于  
昌孫傳尾耳

前御史監察 當作前監察御史

完顏絳山 及侍從官巴良弼阿勒根文卿皆從死 巴

當作把

裏以敝衾 敝元作弊北作敝並非

畢資倫 如是十四年 四當作三

郭蝦蟆 會州爲夏人所據近十年 十當作四 案紀

興定四年八月夏人陷會州十月圖復會州把胡魯傳

議取元光二年十一月鞏帥報會州破夏人之捷

會州會州并所遣郭倫哥等物 并下當加賜

以粘葛完展 葛紀作哥

甲午春金國已亡 甲午春當改作未幾聞

金史詳校卷九

同治庚午五月汪日楨校寫于會稽開元寺  
在清道橋東唐末董昌居清道坊卽其故宅